

عدد — ۸۹

جریدہ تصوف

شعبہ دین و اخلاق ہفت روزہ بر نشر اول نور

امور ادارہ و تحریر و مقالات و سائزہ
ایچون مدیر مسئولہ مرحمت ابدالمبدر.

صرفای امتک مقالات متصوفانہ لرینہ
حریدہ عوفیہ نک حینہ لری آچقیدر.
درج ابدلیان اوراق اعادہ ابداز.

نسخہ سی ۲۰ پارہ در

ابونہ سی : بر سنہ ک اعتبار بلہ ممالک
عنائہ ایچون ۲۰ آلی آیلنی ۲۵ ضرور
ومالک اجنبیہ ایچون اون ایکی فرانقہ

محل ادارہ باب عالی جوارندہ ابوالسمود
جادہ سیدہ نجم استقبال مطبعہ سی

تصوف، دینی، اخلاقی، سیاسی حریدہ اسلامیہ در

کوردونسون بر کلوب لطفاً بزه انوار دیداری .
تجاییی قرین رشک رضوان ایاسون ناری :

سلام امتی کوش ایلیجه حضرت محمود:
مقامی تخت عرش اولدی برای سجده معبود
شایه باشلادی مولا سنی بیک وصف و متله
بواذکاری مالک دیکهدی بیک وجد و حیرتله
قیاندی سجده آکدی او بحرم امن ساجد
مکرر حمد و شکران قیلدی حقه مصطفی حامد
ندای رب عزت کلدی «مطلوبک ندر سولیه»
مناجاتک عصاة امتکچونسه بیان ایله «

بیلورسک عرضه حاجت واری اسرارخفایایی؟
سکابخش ایندم اول عابیلری ، جنات علیایی
نه حاجت سن بنسک باشقه شیلر هپ سنک مالک
بکا هیچ صورمه تحصیل ایت بوکون هر نهیسه آمالک
بومرثدیله قوشوب نیرانه کلدی منخرالا کوان
جهنمدن چیقاردی جمله عاصیلری شادان
مقامی آنلرکده اولدی جنت، فضل و متله
کبار اهلده ناجی امتدر شفاعتله

— شفاعتی لاهل الکبار من امتی —
جهان دکر بوحدیث شریفک قیمتی
اتمی
اضعف العباد

رجب و حی

جمل حکمیه

اکرام ایتدیکک وقت لئیمدن تجیل ایلدیکک زمان رزیددن ترفیع
قلدیفک وقت سفیدن احتراز ایدیکز .
جاهلک بحالسه سندن عاقلک مصاحبندن امین اولدیفک قدر حذر
ایت

فحش قول ایله کذبدن توقی ایدیکز چونکه هرایکیدی قائمه شبه
ایراث ایدر .

قلوب انسانیه خفیاً نفوذ ایدن و مسامع عالمیاند شهرت کاذبهیه
مظهر اولان دشمندن احتراز ایدیکز .

افعال قبیحه دن احتراز ایدیکز چونکه اسمکزک فنا صورتده یاد
اولسنه باعث اولقله برابر کناهکزی ده چونالتیر .

حال غضبیدن توقی ایدیکز غضبک اولی جنون اخیری ایسه
خذلان و ندامتدر .

امورده عجبیدن اجتنات ایدیکز زیرا عجله اضاعه مقصدی موجب
اولور ندامتدن بشقه برشی منتج اولماز
کترتله اکلدن احتراز ایدیکز کثرت طعام صحت بدنی اخلال و
استراحت نومی ابطال ایدر .

سز اقوالکز ایله مواخذة اولئیورسکز خیردن بشقه برشی
سویلیکز .
عاقل اولان اول کسه در تجربه لر کندوسنه برموعظه حکمنی
ا کتساب ایدر .

کرم انجق مساویدن تزه ورع ایسه معاصیدن تطهردر
شرف انجق عقل و ادب ایله قائمدر مال و حب ایله دکلددر
نعمت لک قدری انجق مقایسه اعداد ایله تقدیر اولنور .
اصل عقل و عرفان کناهدن اجتناب و امورده عاقبتله نظر ایله حزم
و احتیاطه رعایتکار اولمقددر

بصیر اولان مسموعاتی نظر تأمله و کوردیکی شیلری نظر ابتصاره
الیر عبرت لردن ده مستفید اولور .

دنیا دار ممر اخرت ایسه دار مستقردر کذرکاهدن دار استقرار
ایچون لوازمی المقله برابر اسرارکزه واقف اولان جناب رب متعاله
قارشو پرده لر یکزی اچه رق خلاف عقل و شرع حرکاتی تجویز ایتیه یکز
حریص اولان قلب خالی اولان ارضه مشاهددر اوارضه هر نه القا
ایدر ایسه ک قبول و بلع ایدر .

عقل تام اولور ایسه سوز از اولور
هوای نفسانی غلبه ایدر ایسه سزی تهلمکلی محله سوق ایدر
نیت فاسد اولورسه بلانک توجهی مقرردر
لئیم اولان کسه نک مواعدینه اعتماد اولناملیدر زیرا لئیم ائارموا .
عدنی اظهار ایتیه جکندن انسانی محذول و پریشان ایدر .

کذب ایله متصف اولان کسه ایله الفت و مصادقت حاصل ایتیکز
چونکه یلانجی اولان سکا اوزاغی یقین یقینی اوزاق کوستروب
مذلقهیه القا ایله راه حقیقی تمیندن عاجز براقیر
من معروفدن توقی ایدیکز چونکه امتنان انسانی مکدر قیلار
سوء ظنده بولتمقدن توقی ایدیکز زیرا سو ظن عبادتی افساد ایدر
وبالی آرتیرر

تجاوزات کلامیه دن توقی ایدیکز زیرا فضول کلام عیوب مستوره نک
اظهارینه و سکونت بولش اولان اعدانک تحریکی ایله القای عداوته
باعث اولور

بیلنسی لازم کلان احوال مهمه دندر که سعه مال نم جلیله الهیه دندر
سعه مالدن افضل اولان صحت بدن در صحت بدندن افضل ده تقوای
قلیدر .

عقل و دانش نامه مظهر اولان کسه وجوه ارایه فکر صائب ایله

نعمتده دخی صبر ایله تقدیر الهی اطاعت کوسترن ذاتدر
نفوس انسانیه متناسب اولور ایسه ایستلاف ایدر انسان هانکی
اخلاق وجبت ایله مألوف اولور ایسه ابنای نوعی اراسنده کندو
اخلاقه اوایلری بولهرق ایستلاف و انس حاصل اولور
مقتصدک منعی مبذک اعطاسندن ایندر

جناب حق عقل قویم و عمل مستقیم سور
اکثر اصحاب عقولک دوجار مذلقه وانکسار اولسنی استلزام ایدن
شی استحصالی مطالب ایچون رونق وزینته انهماک کوسترسی در
ناسک الک عاجزی کندوسنده اولان تقیصه بی ازاله یه مقتدر اولدینی
حالده برشی یایمان کسه در

ناسک قدر و رفعت جهتیله اعظمی تقدیر آثار عظمت سبحانیه
ایله نفسی تذلیل ایدن کسه در

الک غی اولان کسه حرص و طمعیه اسیر اولیان ذاتدر
اکدارک اشدی فرصتک فوتیدر
رأیک افضلی انتهاز فرصته عرضیه و ملامت ایراتی دافع اولان
جهندر

ناسک اسعدی لذت باقیه ایچون لذت فانیه بی ترک ایدن ذاتدر
اخلاقک اشرفی تواضع و حلم ولین الجانب اولمقدر
خطا و ذللدن سلامت و محفوظیتی تأمین وسیله اصلیه اجرادن اول
تفکر سوزی سویلدن اول رویت و تدبیردر
افضل حکمت نفسی بیلک و اقتداری حالنده نفسی اخذانتقامدن
وهوسات سائریه القادن منع ایلمکدر
اکثریا صواب و صلاح و فوز و فلاح اصحاب عقول و فطانتک
مصاحبتده بولنور

عطیه نک افضلی عطیه یه مستحق اولان ذل سؤالی اختیاره مجبور
اولقسزین وقوع بولانیدر
عبادتک افضلی جناب فیاض کریمه عبادات و طاعات ایله کیجه لری
حال بیداریده کیکر کدر

ایمانی الک زیاده قوی اولان فیاض کریمه توکل یه زیاده اولاندر
قوه عاقله نک تمامه دلالت ایدن اشیادن الک برنجیسی اعمال و افعاله
ابراز اولنان حسن تدبیردر

جود و سخاوتک افضلی حقوقی اهانه ایصال ایلمکدر
نزد الهیده احسن مکارم حال افتقارده بولنان کسه نک بذل موجوده
شتابان اولسنی و مقتدرکده عفو ایله اظهار علو جناب ایلمی در
جامعی خالص



استقبال و عواقب اموری نظر اعتباره آلهرق تعیین حال ایدر
جناب رب متعالم طاعتده افنایه موفقیت حاصل اولان عمر بر مهر
سعادت و باعث فیض رفعتدر .

مشاهد نظر اعتباریز اولان طبایع انسانیه متبایندر خیرلیسی
شردن ابعد اولاندر .

ارباب عقول تربیه ذاتیه ایله ادب نفسه محتاجدر مزروعات فیض
مطر ایله پرورش یاب کمال اولدینی کبی عقل انسانی دخی ادب و معرفت
ایله تحلی ایندکجه منور اولور .

عاقل اولان ادب ایله ترکیه ذات و صفات ایدر بهایی انجق ضرب
ایله استدیکک یوله سوق ایده بیلیرسک

ناسک الک سعید و بختیاری اولق ایسترسه ک بیلدیکک شیرموجینجه
عمل ایت

ستر معایبک ایله سلامت نفسکی ایسترایسه ک ازسویله چوق ایشیت
بو حالده فکرک افزایش بولور قلبک نورلنور هر کسه قارشوده بر تعرضه
بولنماش اولورسک

سیئاتدن اجتناب ایدر ایسه ک درجات رفیعیه مظهر اولورسک
ناسک اعقلی عقلایه اطاعت ایدندر جناب حق نوع بشری عقل

و عرفانجه درجات متفاوته اوزرینه خلق بیورمشدر . نور عرفان
ایله متحلی اولان فکر تابناک راه حقیقه و وصولی تأمین ایدر تجربه
اکمال ذاته باعث اولور قوه عرفان ایله ممتاز اولوبده عقل و کیاسی
مشکلات اموری حل و تسویه ایله مجرب اولان عقلا منهاج قدیم رشد
و سدادی تعیین ایده بیلجکرنندن مقتضای انسانیت انلره اطاعت ایله
راه سلامتیه واصل اولق لازمکلور

اکرم حسب حسن اخلاقدر
اعتداری اعاده ایتک تذکیر ذنوب دیمکدر .

اکبر حماقت مدح و ذمده اغراق و افراطی التزام دیمکدر
امانتک افضلی عهده وفادر

سیئاتدن اجتناب ایتک اکتساب حسنا تندن افضلدر

ناسک افضلی معاینی تحری و تفتیش ایله تکمیل ذاته معطوف
اولان هم و مساعدی کندوسنی تحقیق عیوب ناسدن اشغال ایدن ذاتدر
ادبک افضلی انسان حدی بیله رک تجاوزدن توقی ایلمکدر

بلاغتک الک محمود اولان جهتی سوز سویلک ایجاب ایتدیککی زمان سکوتی
اختیار ایتکدر

ترکیه عقله تعلیمدن زیاده معاون اوله منر

افضل ذکر تلاوت قرآن عظیم الشاندر قلبلر انکه منشرح و
سریر انکه منکشف اولور

انسانک شدید دشمنی غضبی ایله شهوتیدر بوایکسنی زیر قهریه

آلان ارتفاع قدر ایله سلامت نفسه مظهر اولور

ناسک احسنی نعم حاضره بی شکر ایله ادامه و تربید ایدن وفقدان